

Tanding buka gelanggang

■ 17 pesilat negara mewakili IPT dijangka dominasi pertandingan pada edisi ke-7

Abdullah Firdaus Abd Jalil
sukan@hmetro.com.my

Batu Pahat

Gelanggang Pencak Silat Antarabangsa Piala Timbalan Perdana Menteri 2016 di Square One Shopping Mall, Batu Pahat bermula dengan acara tanding peringkat awal kategori Institusi Pengajian Tinggi (IPT) tempatan mengambil tempat sebagai acara pembuka gelanggang.

Bagi pesilat tempatan yang kebanyakannya penuntut IPT dalam negara, persediaan awal sudah dilakukan sejak enam bulan lalu untuk menghadapi kejohanan itu.

Jurulatih Universiti Tun Hussein Onn Malaysia (UTHM), Ahmad Faizal Abu Bakar (*gambar*) berkata, saingan kali ini dijangka lebih sengit apabila negara yang bertanding mempengaruhi atlet kebangsaan mereka.

Bagaimanapun, beliau optimis pasukan dari Malaysia akan menjadi juara keseluruhan bagi kejohanan kali ini.

"Kami menasakkan untuk melangkah terus ke hadapan dengan harapan untuk muncul juara keseluruhan kali ini," katanya yang juga membimbing skuad si-



PESILAT Politeknik Muadzam Shah.

lat negara.

Sebagai rekod, edisi kali ketujuh itu menyaksikan seramai 17 pesilat negara yang mewakili IPT masing-masing mengambil bahagian.

Pada edisi tahun lalu di Kuantan, Malaysia berjaya mendominasi saingan apabila kontinjen negara menyapu bersih lapan pingat emas yang dipertandingkan bagi kategori antarabangsa.



AKSI pesilat dalam acara tanding.

FAKTA
Kontinjen negara rangkul lapan emas tahun lalu

Sejumlah 55 pasukan dari dalam dan luar negara mengambil bahagian untuk merebut hadiah wang tunai keseluruhan berjumlah RM8,000 serta piala.

